

田制全圖


鎮番縣志

卷之三

田畝圖

一

田畝圖




鎮番縣志

卷之三

田畝圖

二



續修鎮番縣志卷之三

田賦考

戶口

清道光五年戶一萬六千七百五十六口一十八萬四千五百四十二同治間兵燹頻仍疫厲交加屠戮天扎減損無算光緒九年戶一萬六千六十七口一十八萬三千一百三十一民國六年戶二萬三千四百六十一口一十二萬四千六百三十一

田畝

續修鎮番縣志

卷三

田賦考

一

清道光五年原額屯科學糧更名三等共地實計一千四百五十頃八畝九分七釐三項畝數詳載舊志籍田四畝九分在外柳林湖實額地二千三百三十二頃三十三畝五分一釐通計實熟地三千七百八十二頃四十二畝四分八釐內除歷年荒蕪及節次開豁冲壓外現在實熟地三千三百六十頃七十五畝二分八釐

賦則

清道光五年實徵屯科更名學糧柳林湖倉斗糧一萬六千七百四十二石一斗八升八合八勺

川湖各詳舊志

共耗羨糧每糧一石加一斗五升共徵二千五百一十一石三斗二升八合三勺原徵七斤小草一十三萬四千一百七十六束七釐惟更名學糧柳林湖例不徵草今除歷年荒旱冲壓開豁不計外現在通共實徵倉斗糧一萬四千九百六十一石一斗二升六合七勺耗羨糧二千二百四十四石一斗六升九合五撮小草一十三萬九千六百八十八分二釐

收糧草例

舊例徵收以青稞准麥以麥准豆十家五家朋納一

串聽民自便道光以後依舊遵行至光緒間兼收雜糧限以初徵三日過期無效而填串亦不能任便自由每糧一石隨徵耗羨糧一斗五升盈餘糧一斗川湖皆屬一律惟湖加徵草糧一斗五升草耗糧二升二合五勺至徵糧時每糧一石管倉司與倉書斗級各取糧或一二升倉書每串一張取糧票費大錢二十文每石取小帖子大錢十五文及大草一束計一十八斤每束取小帖子大錢二文此皆例外民國成立奉令所有盈餘陋規化私歸公三年復奉財政廳

令額收正糧每糧一石加收百分之五倉斗糧五升以作辦公經費四年開徵始行加收有案可稽營田在屯田處紙碾子湖舊由營中備籽招種收穫糧石臨時平分不隸縣倉民國三年武營裁撤變為公產五年邑令袁翼同邑士庶買作學田令該處居民具結租種每年納租六十五石交由高等小學校管收

地丁

原徵地丁正銀七十八兩七錢七分一釐耗羨銀一

續修鎮番縣志

卷三

田賦考

三

十一兩八錢一分六釐民國四年奉文每徵銀一兩連耗改徵庫平銀一兩七錢實徵銀一百三十八兩九錢九分八釐

稅課

原額徵鹽課銀九十五兩九錢八分八釐後歸併武威經收銀九十八兩一錢五分至清光緒二十八年加增銀五十八兩二錢四分一釐四毫宣統元年歸官鹽局專辦計斤收稅現在收數多寡無案可查磨課銀一兩八錢嗣因水磨無存於光緒八年詳銷

在案 門面原額徵銀十兩零四錢八分清光緒二十八年加增銀三兩四錢四分四釐民國四年奉文每正銀改徵庫平銀一兩七錢 牙行原額徵銀六錢清光緒二十八年加增銀一兩二錢民國五年換領新帖額定稅洋一十二元額外請領新帖額定稅洋一十六元 斗行原額徵銀六錢清光緒二十八年加增銀六錢民國五年換領新帖額定稅洋一十六元 當稅向歸涼州府彙辦民國四年請領新帖洋一百元每年度納稅洋五十六元分上下兩期繳

縣報解 畜稅原額徵銀一十六兩二錢一分五釐盈餘銀九兩六分清光緒二十四年以來逐漸加增民國二年財政廳招商包辦包規錢一千零五十千文現包規銀一千六百一十五兩一錢 煤稅小青山煤窰地屬蒙古開採年月無考每歲向阿拉善納租銀七十兩原徵稅銀四兩按民國五年採煤者計有六家各加銀九兩九錢二釐每家實徵銀一十一兩五錢二釐通共徵稅銀六十九兩一分二釐由縣報解 嬰粟稅光緒二十一年奉文每畝徵銀一錢

二分二十三年改徵銀二錢以後逐年增加三十三年停免禁種地稅三十四年弛禁復種仍舊徵稅民國二十五年為罰款四壩水地照章每畝徵銀二兩四錢三渠川地每畝徵銀二兩三年罌粟禁盡畝稅遂停 皮毛公行民國二年由籌款總局委員專辦每年收數多寡直接報解 印花稅民國三年開辦收數有限四五兩年逐漸暢行六年奉財政廳令每月攤銷印花一百五十元每元折徵銀七錢一分五釐儘收儘解 契稅民國四年以前按紙面價值徵稅

百分之三典契無稅自四年至六年頒發新式契紙每張收費洋五角賣契徵稅六分典契徵稅三分收數無定額儘收儘解 駝捐曩來未有民國三年奉文查辦飭令駝商領牌每年壯駝一隻捐洋二元老駝捐洋一元儘收儘解 屠宰稅民國四年財政廳招商開辦包稅銀五百二十兩五年撤銷 煙酒公賣費民國四年開辦由涼分棧委員專辦收數無定額直接報解 釐金向由涼州總局派司事來鎮在城南門設立分卡經徵至今改為百貨統捐局仍由

總局招商包辦收數無存查考 駝稅自前清康熙親征丹噶爾及雍正道光年間岳鍾琪年羹堯諸公西征羅卜藏張格爾各族所有軍械餉項因砂磧連橫轉運維難專調邑駝數萬竭力挽輸功成題奏永免駝稅在案至光緒三十二年前涼州府聯創辦學堂用款支絀詳准各憲即將此稅飭縣始征府縣各半分用民國成立中學改為省立此項已作縣有學款嗣交由畜稅局代收每以徵多撥少甚或攜款潛逃無從追繳五年袁令翼據學界稟飭商會專辦免

續修鎮番縣志

卷三

田賦考

六

侵蝕以裕學款遂照准立案現今商會實徵約有四百金學堂經費咸取資焉

警費

舊例鎮番營遊擊千總把總經制外委及蔡旗堡千總廉俸按季由藩司支領惟兵馬糧料草束在鎮番額征屯科內供支民國三年裁撤武營改編警備奉文就地籌捐擬定城內商富每月捐錢二百零五仟六百文農民按糧每石捐錢四百文駱駝每隻捐錢一百文至五年九月商富減去三成農民每斗減錢

一百文駱駝每隻減錢二十文三年九月初設警備隊時公文內聲明所有警費捐款於六年三月一律停止嗣又於六年五月一日改編警察籌捐餉項暫仍其舊

雜支

原支文廟文昌廟武廟社稷壇雪壇屬壇各處祭祀銀共九十八兩二錢二分八釐詳載舊志民國元年停止丁祀至四年仍舊致祭所有祭祀銀多寡知事均由南馬湖租錢每年一百三十二千項下支發其

餘作為修理文廟之費

原支知縣典史教諭廉俸及各役齋膳夫工食並公費銀兩共計一千七百四十九兩三錢六分三釐俱詳舊志民國成立改行新章知事歲支銀洋二千一百八十四元管獄員歲支銀洋二百八十八元文廟奉祀官歲支錢一百二十千文科員三員歲支共銀洋一千二百六十元

額支警察分所公費

警長一員知事兼攝警佐一員年支薪水錢二百八

十八串文僱員一員年支薪水錢九十六串文巡長
二名年支錢二百四十串文巡警十八名年支錢一
千二百九十六串文警服年支錢四百六十串文燈
油年支錢九十六串文雜費年支錢七十二串文消
防隊隊長一員年支薪水錢二百四十串文正目二
名年支錢二百四十串文正兵十八名年支錢八百
六十四串文火夫一名年支錢七十二串文司法馬
警隊長一員年支薪水錢四百三十二串文正目二
名年支錢二百四十串文馬警十八名年支錢一千

七百二十八串文火夫一名年支錢七十二串文馬
夫一名年支錢七十二串文

額支第一區高等小學校校長教員薪水

校長教員每歲各支錢一百二十千文城鄉國民學
校教員每歲各支錢五十千文勸學所所長歲支錢
一百五十千文各校公費歲支錢二十千文俱在公
集學款內開支

原支舉人路費銀廩生餼糧廩貧學糧歲科考試花
紅銀均詳舊志前清光緒壬寅科舉停額費遂裁孤

貧糧亦於民國三年裁

儲貯

社糧 本城社倉之立除清雍正三年捐置至道光三年所獲本息糧石俱詳舊志後自光緒四年至六年復由四壩千一糧攤捐共倉斗糧二千四百六十五石四斗四升初舉邑紳監守出入至八年知縣陳廷楨因戶民借貸負租甚多遂飭社董出具領票賬冊一併彙呈到案凡舊欠本息從嚴追還並將社穀提歸大倉由官經理計節次收穫之利除十九年撥

歸書院倉斗息糧一百七十石三十一年詳准撥歸修理學堂息糧倉斗五百八十二石三斗二升不計外三十二三兩年出借戶民社糧六百一十五石宣統三年收穫息糧三百石三斗一升二合借給團練局社糧六百九十七石三斗四升民國元年借給團練局社糧九百二十三石零七升八合借放戶民息糧一百三十石現存一百七十石三斗一升二合三渠社倉 自清光緒四年至六年由本渠合立通計原捐續捐共儲倉斗糧八百二十五石六斗四升歷

年獲利除開支薪水外本息俱存

蔡旗堡社倉 自清光緒四年至六年由本堡建設通計原捐續捐共儲倉斗糧一百二十一石一斗四升九合歷年獲利除開支經費外本息俱存

重興堡社倉 自清道光間即存原糧三十一石五斗歷年獲利除開支經費外本息俱存

黑山堡社倉 自清道光間即存原糧八十一石歷年獲利除開支經費外本息俱存

義租 原收糧一百一十九石五斗其地址名稱及

糧數多寡俱詳舊志內除結紮蒼英湖兩處欠糧一石九斗外實徵糧一百一十七石六斗嗣於昌甯湖租一石五斗外加糧三石五斗又增入閭馬溝租糧一石六斗通共一百二十二石七斗即於清光緒三十三年改歸學租民國五年袁令翼判決各處官荒悉數升糧充作學款及條井租糧六石九斗三升九合七勺西昌甯租糧一十二石五斗所下溝租糧二十石又因變賣官產會同學界買就城北馬湖一處年收租糧六十六石紙碾子湖營田年收租糧六十

五石共一百七十石四斗三升九合七勺

文社書院 原儲制錢二共四千七百五十千文整發當營息凡修膳膏火暨文武鄉會兩試路費咸以此為津貼所餘息銀備修文廟清同治間狃部內訌辦理城防挹注挪借所餘無幾光緒初年錢令崇基捐廉提倡邑紳協力贊成籌款二千餘緡嗣即開設文裕當作為文社固有資本至民國二年清查賬目入不敷出學界同人從新整頓計有錢四千合商會集股改立公益當作為學堂基金而高等小學校

續修鎮番縣志

卷三

田賦考

十一

常年經費遂藉茲補助焉

物產

扶輿磅礴之氣發而為五行百產之精所以養人欲給人求者無地不有邑介沙漠凡飛潛動植各產載於前志茲不贅誌計近今新增者約有數種涇陽麥亦稱小麥穗碩大能早熟或遇溽暑且不生痲來自涇陽故以為名洋芋川湖皆宜此戶多種足以佐食俗呼為山藥則非洋瓜籽出外洋皮厚味甘瓢兼紅黃二色食之最能消暑胃弱者甚不相宜又有水桃

質肥潤盈盈多水氣性涼含有酸味與蘭省之桃相
埒甘草徧地滋蔓人皆漠視近因購買力膨漲採辦
絡繹實為藥材一大宗邑重紡織棉花為必要品歷
年仰給異域種者亦稀蓋由成熟在秋季性不耐寒
故耳落花參種於沙地土性鬆軟生殖最繁惟傳播
伊始尚不見多髮菜生於鰾石根際沈埋日久由風
刮沙而出鄉民收存為佐酒肴之佳品凡此皆新產
物之小小者耳誠使一邑之人士競於曩研究物理
格致諸學濬民智以興地利農勤於野舉牧畜森林

農桑絲棉栽植培養物土宜以重實業而復講求製
造化窳敗為精良藉立三戰基礎經營懋遷占市場
之優勝預備商戰材料是地無棄貨人皆自強富有
日新勃不可遏安見茫茫大陸處天演世界而白亭
一域不克爭立競存放大光明於邊庭也

上田為戶口所根據而戶口又貢賦之源泉盛衰盈
虛此固有密切關係負連帶責任而不可須臾脫離
者也邑自清道光年生齒十八萬四千餘口墾田三
千七百八十餘頃貢賦一萬四千九百餘石地闢民

聚雅號富庶至光緒中葉田賦仍舊而總稽版圖戶
未少而口頓減說者謂同治間罹兵變遭歲荒染疫
疾摧殘天札此其原因不知兵也歲也疫也雖足傷
民命而耗元氣而旋耗旋復迄於光緒十年調查戶
口較前過之乃十年以後國家之休養如故官吏之
拊循如故既無兵歲與疫互相耗折而民數反減至
五六萬之多豈真好生之機有時暫息哉亦由民日
衆而土不廣以三倍之地養五倍之人人與地兩相
比例超過之數已有二倍此二倍之人耕田無田墾

地無地雖欲不離鄉里棄妻子以糊口四方詎可得
乎不然何以昔日民多而賦不加增今日民少而賦
不見減有可耕之人而無可耕之地其病源已昭然
可見為司牧者若不設法開墾急謀生聚廣積儲以
足食輕負擔以紓困一任數萬生靈流離遷徙而不
為之所是社會經濟日形支絀農業政策不見發達
竊恐人滿土減將來國家稅地方稅無論直接間接
俱難責償能無懼諸